

Is arzgebirgsche Wort zweetausndaanezwanzich:

1. Platz 168 Stimmen
ausbuzeln

2. Platz
gaahling

3. Platz 132 Stimmen
Uhiesischer

4. Platz 103 Stimmen
Ziebasen

5. Platz 95 Stimmen
Azienzeich

6. Platz 28 Stimmen
Labn schie machn

7. Platz 26 Stimmen
rumdrooschen

8. Platz
flanschern

9. Platz
Hänweh

10. Platz
Asichtskartl

„**Ausbutzln**“ – des is nu rauskumme bei dare Such nooch ne Arzgebirgswort fors Gahr zweetausndaanezwanzich!

De Wörter dor Jahr seit 2017:

2017 „**Sperrguschn**“

2018 „**Bemmbüchs**“

2019 „**Lorks**“ - do standen aa "Hutzn gieh", "gauksen" un "Hiestürzmitz" zur Auswahl

2020 „**Damberrn**“

Ne lebersetzung brauch iech do wuhl net dorzuzeschreibn?!?

1865

kunnt mor in Eimstock
 gut assn un sugar
 ze Tanz gieh!!!

Zum bevorstehenden Weihnachtsfeste

halte ich zur geneigten Beachtung und unter Zusicherung billigster Preise empfohlen:
 Sultan-Rosinen (ohne Kern),
 Eleme-Rosinen in 2 Sorten,
 Smyr. Rosinen,
 Cisme-Rosinen,
 Coriathen in 2 Sorten,
 Ganz. Rafinad,
 Ganz. Melis in 2 Sorten,
 Gem. Rafinad,
 Gem. Melis in 3 Sorten,
 grosse süss Mandeln,
 litte
 Beste hart. Schmelzbutter in 2 Sorten,
 Gen. Citronat,
 Frische Citronen,
 feine Gewürze und
 Gewürzöl in Fläschchen.

Eibenstock.

A. W. Tittel.

Morgen, Sonntag, von Nachmittag 3 Uhr und von Abend 8 Uhr an
im Saale zum Englischen Hof

Zauber- und gymnastische Vorstellungen mit Ballettänzen.
 Um zahlreichen Besuch bittet
 Karl Schneider, Director.



FAHRDIENST

fällt nu aus



Erzgebirgischer Heimatverein
 Eibenstock e.V.
 Otto-Findeisen-Str. 14
 08309 Eibenstock

Tel. 037752 / 2666 oder 2141
 Internet:
 www.heimatverein-eibenstock.de

Bankverbindung:
 Erzgebirgssparkasse
 IBAN: DE90 8705 4000 3892 2072 58
 BIC: WELADED1STB

Unner Blatt`l



Nummer
 201

Mitteilungsblatt des
 Erzgebirgischen Heimatvereines
 Eibenstock e.V.

Dezember
 2021




All unseren Mitgliedern und Freunden wünschen wir
 eine frohe, besinnliche Weihnachtszeit
 sowie viel Gesundheit und alles Gute für's Jahr 2022 !

Is Christkinnl

Draußn wirbln de erschn Schneeflockn vun Himml un vorsuchn siech krampfhaft drane Fanster festzehaltn. Is wieder mol su weit, is Gahr gieht zur Neich un de Weihnachtszeit stieht vor dor Tür.

Wies bei uns in Arzgebirg su Traditsjon is, wird nooch ne Tutnsonntich allis, wos ze Weihnachtn gehärt, vun Öberbudn runner gehult. Räichermannle, Nussknacker, grüße un klaane Schwibbögn un Peremiedn in unnerschiedlichstor Machart, naturfarbne un aa aagestrichne.



Wenn iech nei dor klenn niedrign Budnkammer kriechn muss, sooch iech immer vor mieh hie: „Kumm, itze stetter wieder auf! Mei Kreiz werds eich dankn. Als erschtis tu iech immer gelei vornedra des klaane Kardängl raus, wu de Spieldus drinne is un zieh se gelei emol auf. Des vorsetzt mieh jedsmol inne racht vürweihnachtliche Stimmung: se spielt nämlich „STILLE NACHT, HEILIGE NACHT“. Die Melodie gibt mir den Mut, die vieln zugebundne un vorpacktn Kardängle rauszereime. Des is ja jedsmol wie e halber Imzuch, do giehts treppauf – treppab – bis abn allis untn in dor Stub is.

Ganz do hintn stieht immer dor gresste Kardong, ball in gutn meteruffzich lang, abn e richtcher Brummer. Do drinne is unner Erbstick vorsteckt, ne grüße dreistöckete, echt Seiffner Peremied! Die hab iech Gott sei Dank nu aa endlich rausgehult aus dare Eck, itze muss iech mieh erscht wieder mol gerod machn wagn dare Buckelei in dor klenn Budnkammer. Wie iech de Peremied endlich hochgehuhn hab, bi iech dor erschn Stuf vu dare steiln Budntrepp nunner. Of aamol hatts unner meine Fieß ganz



komisch geknirscht, wos is aber des? Aber iech muß ja mit den Piramiedngewicht fertich warn un bi halt aafach hurtich nunner gestiegn, uhne mir wetter wos dorbei ze denkn.

In dor Wohnstub aakumme, ho iech se dann of ihrn aagestammtn Platz hiegestellt un wies sei muss, ihre Fliechl ubn aufgesteckt. Ofn erschn Stockwark ubn



Wir gratulieren unseren Heimatfreunden

Karin Weidlich	am 03.12.	zum 69. Geburtstag
Monika Jung	am 13.12.	zum 62. Geburtstag
Sigrid Oswald	am 14.12.	zum 72. Geburtstag
Erika Nötzold	am 22.12.	zum 82. Geburtstag
Lothar Richter	am 22.12.	zum 60. Geburtstag
Annemarie Baumgarten	am 25.12.	zum 96. Geburtstag
Holger Wiech	am 30.12.	zum 61. Geburtstag



Als neue Vereinsmitglieder begrüßen wir: Rosemarie Siegel und Almute Grohmann

*Es gibt kein schöneres Vergnügen,
als einen Menschen dadurch zu überraschen,
dass man ihm mehr gibt,
als er erwartet hat.*

- Charles Baudelaire -

Glückauf ihr Leit – nu giehts halt doch net:

*Unnere diesgährliche Weihnachtsfeier
kaa wagn die huhn Aasteckungszoehn
un de neistn Bestimmunge
endgiltich net stattfinden !!!*

*Mir winschn eich alln trotzallem
ne schiene besinnliche un vor alln
ne gesunde Weihnachtszeit!*

*Mir wolln vorsuchn, des mir am 13. Januar
unnere Jahreshauptversammlung mit
Vorstandswahl durchführn kenne.*

*Neies Gahr – neies Glick,
de Hoffnung stirbt zeletzt!*



Weihnacht im Erzgebirg 2020 un 2021?

Nu hammers wieder: unner beliebte Märchnweihnacht samt unnerer Vereinsweihnachtsfeier sei schu wieder Geschichte, ohne des die überhaupt stattfinden kenne!

Allis war gut vübereit, unner Matthias hatt in Budnplan vun Markt extra locker aufgetaalt, iech hatts Programm vun Freitich bis Sunntich fix un fertich. In Termin for de Weihnachtsfeier ham mir uns aa im Hotel dorkämpft mit Asserei un Programm – de Aafangszeitn imgestellt, su des des aa vors Hotel passn kaa, un nu musst mor trotzalledam allis wieder osogn.

Richtich issis, weil ja de Pandemie in sölich huchn Zohn schwebt, do gieht des aafach net andersch. Do missn mir halt wieder eisichtlich sei, ausharrn, gesund bleibn un ofs nächste Gahr hoffn.

Su weit, su gut – oder aa net:

Dorlaubt mir itze emol ohne unnern Vürstand meine ganz perseenliche Maaning dorzu ze sogn:

Viel ze spät ham unner Öberstn die Sach mit dor 4. Well vom Delta-Virus ernst genumme, weil se när mit siech ze tu hattn. Hauptsach gewählt un ihr Schaaf ins trocken gebracht, Ministerpostn un su viel Sitz in Bundestog wie när meechlich. Kaaner will unbedingt de DDR-Zeitn zerick ham, aber do hättn mir schu lang unner Impfpflicht ganz ohne Kommentar durch un – Weihnacht wär gerett gewaasn. Aber esu wird an den Grundgesetz un dor falsch vorstandne Freihaat ewich festgehalten. Was nützt uns de ganze Freihaat, wenn mor krank is oder vielleicht gar in schlimmstn Fall nimmer do sei kaa?

De Östreicher ham aa ne Demokratie wie mir, aber die machns für mit dor Impfpflicht, do giehts doch, aa wens schu eweng spät dorzu is, aber wenstns ieverhaupt...



of dare Peremid is de Kripp, wus Christkinnl drinne liecht, gelei fest aageleimt, dodormit des Ding net vorlorn gieh kaa.

Dann hob iech des Kartengl, wu de Figurn drinne sei, hargenumme un aufgemacht. Maria un dor Joseph, aa in Ochs, den Esel un Schaafle hob iech aus dor Holzwooll befreie kenne. Aafach schie, des allis wieder

ze sah. Ach, itze faht ja när noch des klaane Christkinnl.

Iech wiehl in dar Holzwooll rim, aber is is nicht ze findn! Vielleicht hob iechs aa bein Aufreime im vorign Gahr nei nern annern Schachtele geta? Aber nischt war, allis Suchn hat gar nischt gebracht.

Mei Harzl hat gelei richtich toll geschlogn. Wu söll dä des Jesuskinnl – is wichtichste Utensil of dare Peremied – bluß sei? Kaas vielleicht när noch in den grußn Karton liegn, vielleicht hob iechs bein letztn Mol vorgassn aus dor Kripp raus ze namme? Ganz schnell bi iech wieder ofn Budn naufgehirt – of dor letztn Stuf sah iech e klaans Heifele




Drack, iech guck eweng genauer hie un sah när noch is Gesicht! vunne Christkinnl, iech dacht, miech trifft gelei dor Schloch! Iech hob des klaane Keppel in mei Hand genumme un gelei emol is VATERUNSER gebatn!

Mein Gott, iech hobs Christkinnl dorlatscht!

Wu iech miech wieder gefange hatt, dacht iech: Weihnacht ohne Christkinnl? Uvorstellbar! Irgndwu hatt iech vu meine Enklkinner doch noch eweng Plasteline rimliegn, su ne gelbliche Farb? Do hob iech aafach an des klaane Keppel in klenn Körper naageformt su guts abn ging, dann ganz schnell nei seiner Kripp geleeht un miech dorbei ganz ehfruchtswoll entschuldicht.

Su liechts nu drinne, wus aa hiegehärt!



Original vu dor Sabine Heinz vorfasst un dann eweng in dor Schrift drinnerim gemaart vun Schmidt

Resterbastln zweetausndaanezwanzich

Dor Novemberhutznobnd haaßt bei uns Bastln, des is nu schu seit Gahrzehnten – do braucht ihr gar net gruß ze guckn – ewischer fester Punkt in jedn Gahrprogramm – seit zweetausndsechse! Iech hab do extra noch emol in friehern Blattl gestebert, des is fei wahr! Un immer wieder mit unnerer Annita!

Jeds Gahr bastln, des is doch e langweilichor Programmpunkt! Weit gefaahrt: jedsmol komme do wie aa bei de leberraschungsgäst de meestn Teilnammer un sei do allezam aa richtig mit Lust un Lieb dorbei.



Seit zwee Gahrn nu ham zur Entlasting dar ieber 80er-Bastlomi dreie unnerer schennstn Maadle, de Antina, de Andrea un de Uta die Sach mit in de Händ genumme. In all den Gahrn hat siech natierlich e grußer „Reichtum“ an Bastlkrimskrom bei dor Annit' aagesammlt. Des hatt se allis hargabn un im Museum unnergebracht.



Do war itze die Idee net weit haargehult, de nächste Bastelei als „Resterbastln“ auszeisn. Des Dreiergespann hat siech desserhalb kurz zavor schu emol getroffn um dann 3 vorschiedne Dinger rauszesuchn: bunte Dekobänder mit Harbst- oder aa Weihnachtszeich drauf ze machen,



Eiweckgläser bestüekn un ganz vorschiedn eizesaame, Sterle stachn un noocherts mit Faadle ganz kunstgeracht ze bestüekn. E jeds hat wos gefundn un siech dann ieber des salberst dorreichte Wunnerding gefreit. Halt! Zur Ordnung muss iech



aber aa sogn, des dreie vu uns (2 Männer un 1 Fraa!) net mit gebastlt ham, die ham aafach Skat gespielt. Aber des is ja artvorwandt, do ward ja aa immer feste gestochn! Jeder Stich is do e Traffer! Sugar e paar Enkele ham de Omas mietgebracht, aa die ham siech mit viel Geschick eigebracht!

De Adelheid hatt e besonnensch schiens eigns Enkele naabn siech sitzn, die war schu emol anno 2007 zu ner Weihnachtsfeier bei uns dorbei, blus halt eweng ginger.



Saht ihr den Unnerschied zwischn den paar Gahrn, oder vun Blattl 34 zum Blattl 201 ???



Itze muss iech aber noch emol ofn Aafang vun den Hutznbastlobnd komme, denn do gabs zeerscht ne harzliche Begrießing vu unnerer 2 neie Mitstreiter, de Grohmann, Almute un de Siegel, Rosi. Willkommen in unnerer Mitt! Noch e paar Informatzjone gobs zen hoffntlich bevorstiehdn Weihnachtsmarkt, dor Weihnachtsfeier am

9.Dezember un aa schu dor Termin for unner Ausfahrt im nächsten Gahr konnt schu genannt warn. Dann wurd aa schu is Obndbrut serviert. Gelei noochn wie immer gutn Assn (feinis Schnitzl mit Ardäpplsalat nooch Art des Voreinshaisels) wurd e Glasl Sekt serviert, ausgabn vu de Geburtstogs“kinner“ Heinz, dor 85. un Hubert, dor 56.! Unnerer Sigine war schu dorham racht fleißich, die bastelt andauernd an schiene Sachn rim, saat ihr Maa. Do hatt se uns emol e paar vu ihrn imgesetztn Ideen mitgebracht un zur Aasicht aufgebaut, des is do hiertn untn of den schmoln Bildl ze sah. Bis zur Weihnachtsfeier -



Glückauf!
eier
Schmidt!